


BOSNA I HERCEGOVINA
FEDERACIJA BOSNE I HERCEGOVINE
KANTONALNI SUD U TUZLI
Broj: 03 0 V 012115 14 V
Tuzla, 28.05.2014.g.



Kantonalni sud u Tuzli, sudija Tenzila Begović, kao sudija pojedinac, u pravnoj stvari predlagateljice J. Č., koju zastupa punomoćnik **Alma PRNJAVORAC, advokat** iz Tuzle, protiv protivnika predlagača A. S., radi priznanja odluke 'stranog' suda, donio je dana 28.05.2014.g., slijedeće:

RJEŠENJE

Priznaje se presuda Općinskog suda u Poreču, Republika Hrvatska, Pos broj: P-124/98-10 od 11.02.1999.g. kako slijedi:

I Dužan je tuženi A. S. da doprinosi mjesečno za uzdržavanje mladb. J.Č iznos od 900,00 (devetsto) kuna, od dana podnošenja tužbe 06.05.1998.g. pa ubuduće dok za to budu postojali zakonski uslovi, najkasnije do svakog 5. u mjesecu unaprijed na ruke majke zakonske zastupnice, s tim što će na svaki dospjeli, a neisplaćeni obrok uzdržavanja dužan platiti zakonsku zateznu kamatu od dana dospijeca svakog pojedinog obroka uzdržavanja pa do njegove isplate.

II Dužan je tuženi nadoknaditi tužiteljici parnični trošak u iznosu od 1.424,00 kune, u roku od 15 dana.

Obrazloženje

Predlagateljica je ovom sudu podnijela dana 14.03.2014.g. zahtjev za priznanje odluke stranog suda kojom je protivnik predlagača obavezan da doprinosi za izdržavanje predlagateljice mjesečni iznos od 900,00 kuna, počev od 06.05.1998.g. kao dana podnošenja tužbe pa ubuduće dok za to budu postojali zakonski uslovi, kao i da joj isplati zakonske zatezne kamate i troškove postupka u iznosu od 1.424,00 kuna.

Uvidom u presudu Općinskog suda u Poreču, Republika Hrvatska, posl. Broj: P-124/98-10 od 11.02.199.g., ovaj sud je utvrdio da je pomenuta presuda postala pravosnažna 18.03.1999.g. i da u svemu ispunjava uslove iz člana 21 Sporazuma između Vlade Bosne i Hercegovine, Vlade Federacije Bosne i Hercegovine i Vlade Republike Hrvatske o pravnoj pomoći u građanskim i kaznenim stvarima (Službeni list R. BiH – posebno izdanje Međunarodni ugovori broj 1/1996), zbog čega je ovaj sud odlučio kao u izreci rješenja.

Pouka: Protiv ovog rješenja dozvoljena je žalba u roku od 15 dana Vrhovnom sudu Federacije BiH, Sarajevo, žalba Se podnosi putem ovog suda

SUDIJA
Tenzila Begović